



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

II. An & qua ratione Deus cognoscat se ipsum.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

veritas est; at veritas in dicendo, seu veracitas cum sit virtus quædam voluntatis, quæ in homine quidem facit, ut nolit fallere; in Deo etiam, ut non posse fallere, idcirco immediate affectus quædam est & attributum diuinæ voluntatis: sicut & ceteræ virtutes morales, quæ in Deo sunt, quanquam si quis minor & particulatum omnes perfectiones attributæ Dei enumerare velit, adnumeratis videlicet ipsorum etiam attributorum subordinatis perfectionibus, absque incommodo etiam utramque hanc veritatem interattributa Dei recensere possit.

DVBIVM II.

An, & qua ratione Deus cognoscat seipsum, suaq[ue] ipsius decreta.

S.Thom. E.p.q. 14. a.2. &c. 3.

Inter objecta diuinæ cognitionis, primarium ac principale est Deus ipse, de quo proinde meritò ante cetera tractatur.

Affterio I. Deus perfectissimè seipsum intelligit. Ita S. Thomas hic q. 14. a. 2. & communis omnium; & est de fide, ex scripturâ, Matth. 11. v. 27. *Nemo nūuit Filium, nisi pater, neq[ue] patrē quis nouit, nisi Filius,* &c. Ioan. 10. v. 15. *Sicut nouit mihi pater, & ego cognosco patrem,* i. Corinth. 2. v. 11. *Quia Dei sunt, nemo cognovit, nisi spiritus Dei.* Ratio est. Quia Deus utrū maximè est ens, ita maximè intelligibilis est; Ergo vel maximè intelligitur à perfectissimo intellectu, qualis est diuinus intellectus. Accedit, quod unumquodque eō magis intelligitur, ceteris paribus, quò magis coniunctum est intellectui: nimirum etiam per modum intelligibilis; cum ergo Deus intimè coniunctus sit intellectui; imò idem prorsus sitcum ipso, etiam in quantum intelligibilis est (non enim Deus per speciem à se distinctam intelligibilis est, ut mox dicetur, sed per seipsum) Deus seipsum vel maximè intelligit. Quæ ratio etiam indicatur à S. Thoma cit. a. 2.

Affterio II. Deus seipsum non per speciem vel intellectuonem à se reipsa distinctam intelligit, sed per seipsum. Ita S. Thomas eod. art. 2. in corp. & ad 2. & communis omnium, Probatur ratione S. Thomas. Quia Deus nihil potentialitatis habet, sed est purus actus, & omnino simplex: Ergo necesse est, ut in eo, cum seipsum intelligit, intellectus, & id quod intelligitur, atque ipsa etiam intellectio, sint una simplicissima entitas: ita scilicet, inquit S. Thomas in corp. vñ negat, careat specie intelligibili; sicut intellectus noster, cum intelligit in potentia, neq[ue] species intelligibilis sit aliud à substantia intellectus diuinis; sicut accidit intellectus nostro, cum est actu intelligens; sed ipsa species intelligibilis est ipse intellectus diuinus, & sic seipsum per seipsum intelligit. Quare etiam in resp. ad 2. negat, intellectum diuinum, siue se, siue alia intelligendo perfici ab intelligibili, vel assimilari ei, nimirum, propriè ac reipsa: id enim, inquit, conuenit intellectui, qui quandoq[ue] est in potentia; quia per hoc quod est in potentia, differt ab intelligibili, & assimilatur ei per speciem intelligibilem, quæ est similitudo rei intellectus, & perficitur per ipsam, sicut potentia per actum.

Sed quod S. Thomas ipsum intellectum diuinum vocat speciem intelligibilem, respectu intellectuonis etiam sui ipsius; quasi Deus seipsum etiam cognoscat per speciem intelligibilem, quæ sit intellectus diuinus, non videtur positivè & propriè intelligendum; species enim intelligibilis rei aliquius propriè distinguitur à re, que intelligitur; sed negatim, ut sensus sit, Deum non intelligere seipsum per aliam speciem intelligibilem, sed per seipsum. Quod ipsum etiam indicat S. Thomas ibid. resp. ad 3. vbi hoc discrimen constituit inter animam seipsum intelligentem, & inter Deum seipsum intelligentem; quod anima, siue intellectus noster intelligat seipsum per speciem intelligibilem, sicut & alia; quemadmodum etiam ex eo, quod cognoscit intelligibile, intelligit ipsum suum intelligere, & per actum cognoscit potentiam intellectuam: Deus autem, inquit, *est actus purus, tam in ordine existentium, quara in se dñe intelligibilium, & ideo per seipsum intelligit.* Vbi negare absolute videtur S. Thomas, Deum seipsum cognoscere per speciem intelligibilem; & Caietanus hic artic. 2. existimat, S. Thomam locutum de specie intelligibili generali, prout commune quid est tam speciei impressæ, quam expressæ; quod tamen vniuersim loquendo non probatur. Quanam autem ratione anima cognoscit seipsum, philosophi disputant, & ad præsens institutum non pertinet.

Affterio III. Deus etiam perfectissimè & ab æternō cognoscit sua ipsius decreta, omnesque actus & liberos, & necessarios, tam intellectus, quam voluntatis sua. Est extra controuersiam, ac de fide, ex citato scripturali loco, i. Corinth. 2. vers. 11. *Quia Dei sunt, nemo cognovit, nisi spiritus Dei;* vbi Apostolus præcipue de actibus diuinæ mentis ac liberis decretis loquitur. Ratio est: Tum quia & haec sunt cognoscibilia; Ergo à perfectissimo intellectu cognoscuntur. Tum quia idem sunt cum ipsa substantia diuinæ; atque etiam intelligenti Deo intimè coniuncta & præsenta; Ergo non possunt latere. Deum seipsum perfectissimè cognoscentem. Tum quia nos ipsi etiam nostros actus internos cognoscimus: Ergo multò magis Deus.

Quo sit, ut licet Deus respectu suæ intellectuonis, propriè & formaliter non habeat actus reflexos, quandoquidem propria actuum reflexio, pluralitatem actuum reipsa supponit; habeat tamen quasi virtualiter reflexos; nimirum vnam simplissimam cognitionem æquivalentem pluribus actibus, directis, & reflexis. Quæ etiam ratio est, cur non detur processus in infinitum in actibus eiusmodi diuinæ cognitionis: quia licet Deus suam etiam cognitionem intelligat, & hoc ipsum etiam cognoscat; se intelligere, non tamen intelligit per cognitionem distinctam, sed per seipsum. Et quamvis ratione nostrâ distinguamus plures eiusmodi intellectiones in Deo, non tamen distinguimus actu infinitas, vt patet.

Affterio IV. Deus adeò perfectè seipsum intelligit, ut etiam comprehendat. Ita S. Thomas hic q. 14. a. 3. in corp. & ad 2. & communis Doctorum. Probatur duabus rationibus. Primo; quia tunc aliquid dicitur comprehendendi, quando peruenit ad finem cognitionis ipsius; seu quando res cognoscitur

ita per-

ita perfectè, sicut cognoscibilis est: Deus autem vi-
que tam perfectè seipsum cognoscit, quām perfectè
cognoscibilis est; non enim minor est virtus Dei in-
cognoscendo, quām perfectio in essendo; Ergo Deus
seipsum comprehendit. Secundò iuxta S. Augusti-
num epist. i i 2. ad Paulinum cap. 9. Totum comprehen-
ditur videndo, quod ita videtur, ut nihil eius latet vi-
dentiem: sed nihil est in Deo, quod lateat ipsum.
Ergo, &c.

Ex his duabus rationibus, prior planè procedit &
desumitur à ratione formalī comprehensionis, iuxta ea, que supraq. 6. dub. 6. docuimus. Posterior
autem ratio, et si non sumatur à formalī conceptu
comprehensionis, vt ibidem dicitur, sumitur tamen
à signo, ac velut à posteriori, falso iuxta ordinariam
Dei legem; loquendo numerum de omnibus,
qua & formaliter, & eminenter sunt in Deo. Licei
enim controvēsum sit, an secundum absolutam
Dei potentiam à creato intellectu videri in Deo pos-
sint omnia, quae in ipso sunt formaliter & eminenter,
satis tamen certum est, reipsa nullo ita videri,
præterquam ab ipso Deo seipsum comprehendente;
ad eo vt nec consentaneum sit naturis rerum, omnia
videre seu cognoscere, quae in aliquā reformaliter &
eminenter continēntur, nisi res illa tam perfectè co-
gnoscatur, quām cognoscibilis est, adeoque com-
prehendatur; vt proinde non malè S. Thomas hinc
etiam argumentum sumat ad probandum, Deum
seipsum comprehendere. Non loqui autem hic S.
Thomas de ijs solum, quae in Deo formaliter in-
sunt, patet ex eius quæstione i 2. a. 8. & citato loco
satis probatum est; cum Beati omnes videant utique
in Deo omnia, quae formaliter in ipso sunt, licet eum
inter ipsi minimè comprehendant, vt loc. cit. di-
ximus. Vbi simul tamen expofuimus, quānam sit
vera mēns S. Augustini eo loco, quem S. Thomas hic
allegat; vnde patet, loquipsum dealiā quadam ra-
tionē comprehensionis, quam non negat Beatis, sed
solum viatoribus pro statu huius vite.

Assertio V. Quando Deus seipsum dicitur com-
prehendere, locutio hæc non est omnino proprie &
strictè accipienda, sed latè & improprie. Ita S. Thom-
as hinc cit. q. 14. a. 3. ad 1. Probatur. Quia vt aliquid
ab aliquo propriè comprehendatur, requiritur in-
ter ea ipsa à parte rei distinctio; comprehendere enim
significat aliquid habens, & includens alterum; qua-
re etiam necesse est, vt omne comprehensionis sit fini-
tum; sicut omne inclusum est finitum. In quem sen-
sum etiam S. Augustinus lib. 8. q. q. 14. ait, id quod
comprehendit se, finitum esse sibi. Intellectus autem Dei
non est aliquid reipsa distinctum à Deo; nec Deus fi-
nitur & includetur comprehensione sua; Ergo, &c.

Quare huiusmodi locutiones, inquit S. Thomas ibid.
per negationem sunt exponende. Sicut enim Deus dicitur
esse in seipso, quia à nullo exteriori continetur; ita
dicitur comprehendere seipso, quia nihil est sui, quod la-
teat ipsum; sive potius, quia perfectio eius in es-
endo, sive ipsa eius cognoscibilitas, non excedit per-
fectionem eius in cognoscendo. Et cum iuxta S. Au-
gustini citatum dictum dicitur, Deum esse sibi fini-
tum, intelligendum est, inquit S. Thomas, secundum
quādam similitudinem proportionis; quia sic se habet in
non excedendo intellectum suum, sicut se habet aliquid fi-
nitum in non excedendo intellectum finitum. Non autem

se dicitur Deus sibi finitus, quod ipse intelligat, se esse ali-
quid finitum. Hec S. Thomas.

D V B I V M III.

An, & qua ratione generatim lo-
quendo, Deus cognoscat alia à se,
sive creaturas, in seipso, an in
seipsis?

S. Thomas 7. p. q. 14. a. 5. c. & 11.

L Oquitur hic de rebus extra Deum, sive de rebus
creatis indefinitè, abstrahendo in particuli, quānam
creaturas Deus cognoscat: hoc enim se-
quentibus dubitationibus manifestum.

Assertio I. Deus cognoscit etiam alia à se, adeo-
que creaturas. Ita S. Thomas q. 14 a. 5. omnesque
Theologi in i. d. 3. & est de fide, ex multis scripture
locis. In presenti sufficiat ille Hebr. 4. v. 13. Non est
vita creatura invisibilia in conspectu eius. Omnia autem
nuda & aperta sunt oculi eius. Ratio est. Tum quia
scientia Dei est infinita: ergo cognoscit omne co-
gnoscibile. Tum quia Deus creaturas suo arbitriatu
producit & gubernat, tanquam agens nimis in
intellectuale: Ergo eas etiam cognoscit. Tum quia
Deus perfectè cognoscit seipsum, ac proinde etiam
virtutem suam operativam: sed virtus alius rei
perfectè & ad quācognosci non potest, nisi co-
gnoscantur ea, ad quā virtus se extendet: ergo cum
virtus divina se extendat ad alia extra se, eo quod ipsa
est prima causa effectiva omnium entium, necessaria
sunt etiam Deum etiam alia extra se cognoscere. Quā est ratio S. Thomæ cit. art. 5.

Assertio II. Deus cognoscit creaturas, non so-
lum secundum Essē, quod in Deo habent, sed etiam
secundum suum esse proprium. Ita S. Thomas, ca-
terique Theologi locis citatis; & est extra controvēsiam;
ac de fide; idemque probatur adducta scriptura
& rationibus. Deus enim creaturas producit
non secundum Essē, quod in ipso Deo habent; ne-
que adeo etiam virtus Dei productiva extendit se ad
creaturas, secundum illud Essē, quod in Deo habent,
sed secundum esse proprium.

Et referunt quidem Capreolus in i. d. 3. q. 2. &
Aquarius ibid. ac refellunt Aureolum, quasi dix-
erit, scientiam diuinam non terminari ad creaturas se-
cundum esse proprium. Sed reuera Aureolus i. d.
3. p. 2. a. 4. non videtur aliud velle, quam Deum
non cognoscere res creatas in se, sed in Deo, vt infe-
rius etiam cum S. Thoma & communī dicemus. Fa-
teor tamen, eundem ibid. art. 1. & part. 3. a. 1. dum
explicat & defendit Auerroem dubie & obscurè locu-
tum; quasi nihil aliud præter ipsum Deum terminet
intuitum diuinæ scientiæ: cum tamen interim
idem Aureolus simul eadem distinct. 3. p. 4. a. 2. re-
fellat Aueenam, Auerroem, & Aristotelem, quod
negant, Deum distinctè cognoscere singulare, vt
in loquendi modo potius, quam reipsa videatur ex-
rasie Aureolus; de qua re plura assert. 8.

Assertio III. Deus cognoscit creaturas distinctè,
& propriā cognitione. Ita S. Thomas hinc q. 14. art. 6.

alij-